

ჭიათურის მუნიციპალიტეტის გამგებლის შეზღუდული შესაძლებლობების მქონე პირთა საკითხებზე მომუშავე საბჭოს სხდომის

ოქმი №4

2017 წლის 12 ოქტომბერი 11:00 საათი

ქ.ჭიათურა, ნინოშვილის ქ.№7

(სხდომათა დარბაზი, -V სართული)

სხდომას თავმჯდომარეობდა: საბჭოს თავმჯდომარე ზურაბ კუპატაძე.

სხდომას ესწრებოდნენ:

საბჭოს წევრები: ავთანდილ ვაშაძე, რომან მუმლაძე, ზურაბ ცერცვაძე, თენგიზ კაპანაძე, იგორ აბესაძე, ლელა სამაკაშვილი, მერაბ გურგენიძე, სამსახურის უფროსები: გამგებლის პირველი მოადგილე თეიმურაზ ჭუმბურიძე, გამგებლის მოადგილე თეიმურაზ შეყლაშვილი, ინფრასტრუქტურისა და ტერიტორიული მოწყობის სამსახურის უფროსი ლაშა გოცაძე, სივრცითი მოწყობის ზედამხედველობის, არქიტექტურისა და მშენებლობის სამსახურის უფროსი დავით მაჭავარიანი, გამგეობის ადმინისტრაციული სამსახურის მთავარი სპეციალისტი გენდერული ურთიერთობის საკითხებში ნინო შუკაკიძე.

სხდომას ასევე ესწრებოდნენ მოწვეული სტუმრები: ა(ა)იპ „შეზღუდული შესაძლებლობების მქონე პირთა თანადგომა-ინტეგრაცია“-ს თავმჯდომარე გიგო ასანიძე, წარმომადგენლები: ხათუნა თურმანიძე, გივი მაჭარაშვილი, რამინი ჭილაძე, გურამ ძინძიბაძე, ნათელა ხარაიშვილი.

სხდომას საპატიო მიზეზით არ ესწრებოდნენ საბჭოს წევრები: ვლადიმერ სამხარაძე, გიორგი ციციშვილი, დავით ლაბაძე, სოფიო კაციტაძე, სოფიო შეყლაშვილი, ვარდო ჯაჯანიძე, მაკა ამბროლაძე.

სხდომის უფლებამოსილება განისაზღვრა შშმ პირთა საკითხებზე მომუშავე საბჭოს 7 წევრის დასწრებით.

სხდომა გახსნა სხდომის თავმჯდომარემ ზურაბ კუპატაძემ, რომელმაც საბჭოს წევრებს გააცნო

დღის წესრიგი

1. ა(ა)იპ „შეზღუდული შესაძლებლობების მქონე პირთა თანადგომა-ინტეგრაცია“-ს ჩატარებული სამუშაოების (აქტივობების) და სამომავლო გეგმების თაობაზე,
მომხსენებელი ა(ა)იპ „შეზღუდული შესაძლებლობების მქონე პირთა თანადგომა-ინტეგრაცია“-ს თავმჯდომარე ბატონი გიგო ასანიძე.

2. ანგარიში 2017 წლის 27 აპრილის შეზღუდული შესაძლებლობების მქონე პირთა საბჭოს №2 სხდომის ოქმში წარმოდგენილი რეკომენდაციების დაგეგმვისა და შემდგომში განხორციელების შესახებ, მომხსენებლები ჭიათურის მუნიციპალიტეტის გამგებელი, გამგეობის სამსახურების უფროსები.

მოიხსენეს: ა(ა)იპ „შეზღუდული შესაძლებლობების მქონე პირთა თანადგომა-ინტეგრაცია“-ს გეგმების თაობაზე. მომხსენებელი გ.ასანიძე

მომხსენებელმა გ.ასანიძემ აღნიშნა, რომ ორგანიზაციის მიერ რამოდენიმეჯერ მონახულებული იქნა შინ 60-მდე ბენეფიციარი. მოხდა მათი ყოფითი პრობლემების, საჭიროებების, შესაძლებლობების გაცნობა. მონახულებული იქნა 100-ზე მეტი კერძო და სახელმწიფო საზოგადოებრივი დანიშნულების ობიექტები, მათ შორის: 33 სკოლა (27 საჩხერეში, 6 ჭიათურაში) 24 სკოლამდელი დაწესებულება (19 საჩხერეში, 5 ჭიათურაში), 12 გამგებლის ადმინისტრაციულ ერთეული (11 საჩხერეში, 1 ჭიათურაში). გაცნობილ იქნა რამდენადაა ადაფტირებული, ყავთ თუ არა სსსმ, შშმ ბენეფიციარები, (როგორია ინკლუზიური სწავლების მხრივ მდგომარეობა, ზოგადად სამუშაო პროცესები გრძელდება, ანუ პერიოდულად ხდება მონახულება სკოლების, ბაღების). განხორციელდა 3 საქველმოქმედო აქცია: წინასააღდგომო, 18-მაისის საქველმოქმედო აქცია-კონცერტი „ჩვენ ყველანაირად ვართ“, სექტემბერში კონცერტის შემოწირულობიდან ოთხ მწოლიარე ბენეფიციარს დავეხმარეთ ფულადი თანხით, ხოლო სულ სასურსათო ნობათით 30 ბენეფიციარს და 2 დაწესებულებას: ყრუთა კავშირის საჩხერის ფილიალს, ჭიათურის მე-12-ე საჯარო სკოლის ბენეფიციარებს (გონებრივი განვითარების შეზღუდვის მქონე მოსწავლეებს). ჩატარდა საინფორმაციო სადისკუსიო შეხვედრები საკრებულოს დარბაზში მკვეთრი ფიზიკური შეზღუდვის მქონე ბენეფიციარებთან. ორგანიზაციას აქვს მჭიდრო, ეფექტური თანამშრომლობა საჩხერის სამედიცინო ცენტრთან, სოც.თემატიკაზე, პროექტ „თანამედროვე ტექნოლოგია DAISY უსინათლო და მხედველობა დაქვეითებული პრობლემების მქონე ადამიანებისათვის“ ფარგლებში, ტექნიკური ბაზის არ ქონის ფონზე). და ა.შ.

ჩვენი გამოცდილება შეგვიძლია გავუზიაროთ დაინტერესებულ ორგანიზაციებს, თვითმმართველობებს ბენეფიციართა მოძიებისა, საჭიროებების შესაძლებლობების შესწავლის კუთხით (ამ პროცესში უნდა ჩაერთოს ადმინისტრაციული ერთეულების სპეციალისტები).

სხდომაზე დამსწრეთ მოიწონეს გ.ასანიძის წინადადება და გამოთქვეს მზაობა ა(ა)იპ „შეზღუდული შესაძლებლობის მქონე პირთა თანადგომა-ინტეგრაცია“-სთან თანამშრომლობაზე.

სხდომის თავმჯდომარემ დადებითად შეაფასა ა (ა)იპ „შეზღუდული შესაძლებლობის მქონე პირთა თანადგომა ინტეგრაცია“-ს თავმჯდომარის მიერ გაწეული საქმიანობა და აღნიშნა, რომ მომავალი წლის ბიუჯეტში გათვალისწინებული იქნება და მოხდება საველე პირობებში ერთიანი საინფორმაციო ბაზის შექმნასთან დაკავშირებით ჭიათურის მუნიციპალიტეტის გამგეობის ადმინისტრაციული ერთეულების სპეციალისტების დატრენინგება.

მ ო ი ს მ ი ნ ე ს დღის წესრიგით გათვალისწინებული მეორე საკითხი 2017 წლის 27 აპრილის შეზღუდული შესაძლებლობების მქონე პირთა საბჭოს №2 სხდომის ოქმში წარმოდგენილი რეკომენდაციების დაგეგმვისა და შემდგომში განხორციელების შესახებ.

მუნიციპალიტეტის გამგებელმა ზ.კუპატაძემ და სამსახურის უფროსებმა დ.მაჭავარიანმა, თ.ჭუმბურიძემ, თ.შეყლაშვილმა განიხილეს, საბჭოს №2 სხდომის ოქმში წარმოდგენილი რეკომენდაციები:

ქალაქში არ არის არცერთი ავტოტრანსპორტის გაჩერება და სადგომი შეზღუდული შესაძლებლობის მქონე პირთა პირადი და მათ სარგებლობაში მყოფი ავტოსატრანსპორტო საშუალებებისთვის. აუცილებელია სს „ლიბერთი ბანკის“ ჭიათურის ფილიალის მიმდებარე ტერიტორიაზე და სხვა ხალხმრავალი ადგილებში მოეწყოს ავტოტრანსპორტის გაჩერებები და სადგომები შეზღუდული შესაძლებლობის მქონე პირთა პირადი და მათ სარგებლობაში მყოფი ავტოსატრანსპორტო საშუალებებისთვის საქართველოს მთავრობის 2014 წლის 6 იანვარს №41 დადგენილებით დამტკიცებული „შეზღუდული შესაძლებლობის მქონე პირებისათვის სივრცის მოწყობისა და არქიტექტურული დაგეგმარებითი ელემენტების ტექნიკური რეგლამენტის“ შესაბამისად.

აზრი გამოთქვა თ.ჭუმბურიძემ პირველ რიგში სამომავლოდ გათვალისწინებული უნდა იქნეს ეს საკითხი, ასევე უნდა გამოცხადდეს ტენდერი რომ გზის სავალ ნაწილზე მოეწყოს ეტლით მოსარგებლეთა პანდუსები.

ინფრასტრუქტურის კუთხით უნდა მოწესრიგდეს მოწისქვეშა გადასასვლელები, გამარჯვების პარკში განთავსებული იქნას შშმ პირთათვის გზის სავალი ბილიკი, ასევე ელექტრო ენერგიის ბოძები გზის სავალ ბილიკზეა განთავსებული აღმაშენებლის ქუჩის, ჩაჩანიძის ქუჩის და აბაშიძის ქუჩის მიმდებარე ტერიტორიებზე, რაც პრობლემას უქმნის ეტლით მოსარგებლე შშმ პირთა გადაადგილებას.

გადასასვლელი ხიდის მოწესრიგების დროს გათვალისწინებული უნდა იქნეს ეტლით მოსარგებლეთათვის პანდუსები.

აზრი გამოთქვა დ.მაჭავარიანმა აღნიშნულ საკითხთან დაკავშირებით, აუცილებლად უნდა იქნას გათვალისწინებული მომავალი წლისათვის.

შშმ პირები უზრუნველყოფილი უნდა იყვნენ უფასო მედიკამენტებით.

ზურაბ კუპატაძემ აღნიშნა, რომ ეს საკითხი გათვალისწინებული უნდა იქნეს და აისახოს მომავალი წლის ბიუჯეტში.

შშმ პირთა ხელმისაწვდომობის საკითხი შემდეგ სერვისებზე, კერძოდ საბანკო მომსახურება რადგან შშმ პირები ყველაზე მეტ წინააღმდეგობებს აწყდებიან საბანკო მომსახურების პროცესში.

შშმ პირთა საკითხებზე მომუშავე თანამშრომლის შტატის დაშვება ჭიათურის მუნიციპალიტეტის გამგეობის ჯანმრთელობისა და სოციალური დაცვის სამსახურში, შესაბამისი განათლების და გამოცდილების მქონე პირის მიღება რომელიც მოემსახურება შშმ პირებს.

განიხილეს, საკითხი გაერთიანებული ერების ორგანიზაციის შეზღუდული შესაძლებლობის მქონე პირთა უფლებების კონვენციის 31-ე მუხლით გათვალისწინებული ვალდებულებების შესასრულებლად, ჭიათურის მუნიციპალიტეტში შშმ პირთა შესახებ საინფორმაციო ბაზის, ინფორმაციის შეგროვებისა და ანალიზის სისტემის ჩამოსაყალიბებლად აუცილებელია გამოიყოს ფინანსური და ადამიანური რესურსი, ჭიათურის მუნიციპალიტეტის ხელმძღვანელობა მზად არის ადგილობრივ დონეზე მიიღოს გადაწყვეტილება დაავალოს შესაბამის უწყებებს აღნიშნული საკითხის დამუშავება სამომავლოდ განვითარების კუთხით.

მ.ო.მ.ხ.ს.ე.ნ.ე.ბ.ე.ლ.ი - ზურაბ ცერცვაძემ აღნიშნა, რომ უნდა იქნას გათვალისწინებული, შშმ პირთა უზრუნველყოფა დამხმარე საშუალებებით და ადაპტირებული აპარატურით, კერძოდ უსინათლო პირთა წნევის საზომი ხმოვანი აპარატით უზრუნველყოფა, რასაც არ ითვალისწინებს სახელმწიფო პროგრამა, ადაპტირებული კომპიუტერებით უზრუნველყოფა და შშმ პირთათვის კომპიუტერული პროგრამების შესასწავლი კურსების ორგანიზება. ზ. ცერცვაძემ დასვა საკითხი, რომ უნდა მოხდეს ჭიათურის უსინათლოთა კავშირისთვის კომპიუტერის შეძენა ადგილობრივი ბიუჯეტიდან, რომელიც უზრუნველყოფილი უნდა იყოს ხმოვანი პროგრამით. ასევე ადგილობრივი ბიუჯეტიდან უნდა მოხდეს უსინათლო პირის გადამზადება ხმოვან პროგრამაზე და ა.შ.


აზრი გამოთქვა საბჭოს თავმჯდომარის მოადგილემ ა.ვაშაძემ აუცილებელია და მნიშვნელოვანი აღნიშნული საკითხების სამომავლოდ გათვალისწინება.

მ.ო.მ.ხ.ს.ე.ნ.ე.ბ.ე.ლ.ი, - ლელა სამაკაშვილიმა მოხსენება გააკეთა, რომ შშმ პირთათვის დაწესდეს კომუნალური შეღავათები, გათვალისწინებული იქნეს მომავალი წლის ბიუჯეტში და ასევე ბაგირ გზების სარეაბილიტაციო სამუშაოების დასრულებისას გათვალისწინებული იქნას უფასო სამგზავრო ტალონები შშმ პირთათვის.

აღნიშნულ საკითხებს მხარი დაუჭირა საბჭოს უმრავლესობამ.

საბჭოს თავმჯდომარემ აღნიშნა რომ აღნიშნული საკითხები გათვალისწინებული უნდა იქნას მომავალი წლის ბიუჯეტში.

საბჭოს მიერ შემუშავებული რეკომენდაციები წარედგინოს გამგებელს და შესაბამისი სამსახურის უფროსებს, რათა აღნიშნული რეკომენდაციები გათვალისწინებული იქნას 2018 წლის ბიუჯეტში ფინანსური უზრუნველყოფით.

სხდომის თავმჯდომარე:  /იურაბ კუპატაძე/

მდივანი:  /ნათია კაპანაძე/